



# Maneno ya Mungu Yaliumba

## Kazi Zake

**K**wa neno la Bwana mbingu zilifanyika, Na jeshi lake lote kwa pumzi ya Kinywa chake.—**Zaburi 33:6.**

Ulimwengu yakinifu uko chini ya mamlaka ya Mungu. Kwa asili, sheria zinazotawala asili yote zinatiwa. Kila kitu kinasema na kutenda mapenzi ya Muumba. Mawingu, mvua, umande, jua, mvua za masika, upèpo, dhoruba, vyote viko chini ya usimamizi wa Mungu, na vinamtii kabisa Yeye anayevitumia. Majani madogo ya nyasi yanajitokeza kutoka ardhini, kwanza jani, kisha suke, na baadaye punje kamili kwenye suke. Bwana hutumia hawa watumishi Wake watiifu kufanya mapenzi yake. Matunda kwanza huonekana kwenye chipukizi, yakifunika peasi, pichi, au tufaha, na Bwana hukuza haya kwa wakati wake unaofaa kwa sababu hayapingi kazi Yake. Hayapingi mpango Wake. Kazi Zake, kama zinavyoonekana katika ulimwengu wa asili, hazieleweki au kuthaminiwa kwa nusu. Hawa wahubiri wa kimya watafundisha wanadamu masomo yao, iwapo wataweza tu kuwa wasikilizaji makini.

Inawezekana kuwa mwanadamu, aliyeumbwa kwa sura ya Mungu, aliyekirimiwa uwezo wa akili na kunena, ndiye pekee asiyejua thamani ya zawadi Mungu alizompatia, ambazo, kama zingetumika vizuri, zingeweza kuongezeka? Je, wale ambao wangeweza kuinuliwa na kuadilishwa, wafae kuwa wafanyakazi wenza na Mwalimu mkuu zaidi ambao ulimwengu umewahi kupata, waridhike kubaki katika hali ya kutokuwa wakamilifu na wapungufu ktabia, wakizalisha machafuko wakati wangeweza kuwa vyombo vya heshima? Je, miili na roho za urithi wa Mungu uliyonunuliwa zitazuiliwa sana na tabia za kidunia na mazoea yasiyo matakatifu kiasi kwamba kamwe hazitaakisi uzuri wa tabia ya Yesu aliyefanya kila kitu vizuri ili mwanadamu asiye kamili, kupitia neema ya Kristo, aweze kufanya kila kitu vizuri, na kusikia hatimaye baraka ya Kristo, “Vema, mtumwa mwema na mwaminifu; ulikuwa mwaminifu kwa machache, nitakuweka juu ya mengi; ingia katika furaha ya bwana wako”?

Mungu alinena, na maneno Yake yaliumba kazi Zake katika ulimwengu wa asili. Uumbaji wa Mungu ni kama hazina ya njia iliyoifanywa tayari kwa Yeye kutumia mara moja kufanya mapenzi Yake. Hakuna kilicho bure, lakini laana imefanya adui kupanda magugu. Je, viumbe wenye akili pekee ndiyo watasababisha machafuko katika ulimwengu wetu? Je, hatutaishi kwa ajili ya Mungu? Je, hatutamheshimu Yeye? Mungu wetu na Mwokozi wetu ni mwenye hekima yote, mwenye uweza wote. Alikuwa ulimwenguni mwetu ili ukamilifu Wake uweze kufunuliwa ndani yetu....

Imani yetu lazima iongezoke. Lazima tuwe zaidi kama Yesu katika mwenendo na tabia. Nuru inayong'aa kwenye njia yetu, ukweli unaojidhihirisha kwa akili zetu, kama ukitiwa, utatutakasa na kubadilisha nafsi zetu. Ujuzi wa ile kweli, hekima ya kimbingu, vipawa vya kiroho, ni mali za mbinguni, zilizokabidhiwa kwetu kwa matumizi yenye busara. (Letter 131, 1897).